

Эҳ, бу телефон деганлари...



ЭҲ, БУ ТЕЛЕФОН ДЕГАНЛАРИ...

17:17 / 02.11.2022 1075

Телефон деганлари аллақачон шайтоннинг чалғитувчи ўйинчоғига айланиб бўпти. Аввалари бу матохга унчалик эътибор қилмаган эканман, умра сафарига боргач бунга юз фоиз ишонч ҳосил қилдим. Шайтони лайн телефон орқали зиёратчиларни хоҳлаган ноғорасига ўйнатяпти. Ҳа, шайтон муқаддас саналган икки ҳарамда, одамларни очиқдан очик, bemalol йўлдан уряпти.

Барака топкур умрачиларимиз меҳмонхона фаесида уйдагилари, қудандалари, ёри дўстлари билан телефон орқали гаплашиб чарчашмайди. Набираларини телефон орқали эркалатишадими-ей, ғойибона ўпишадими-ей. Яна гап орасида бу ерда совға саломлар қимматлигини, ўзимизда арzonлигини айтиб, нимадан қанча олиш кераклигигача айтишади. Қаерга, нимага келганини баъзилар унугиб ҳам қўйишган. Оёғингни тагига сўйиш учун етмиш килолик қўй олдим, худойига эллик кило лазер етар каби гаплар.

Айниқса, Пайғамбаримиз соллаллоҳу алайҳи васаллам ҳузурларига саломга кирадиганларнинг деярли ҳамманинг қўлида телефон. Хаёллари ибодатда эмас, балки бу ердаги манзараларни яқинларига тўғридан-тўғри узатиш. Иккита учта калла бир бўлиб, суратга тушишлар. Битталарининг бўйи новча экан телефони бошқалардан баландда кўринади. Телефонида битта хушрўй аёлнинг сурати кўриниб турибди. Хотини бўлса керак. Ҳойнаҳой тасвирни унга жўнатяпти. Буёқдаги номахрамларнинг кўзи

суратда. Даюсона бир ҳолат. Яхшики, битталари телефон эгасига яқин бориб билар экан, суратни ўчирди. Телефон эгаси шундай қилишни билмаса керак-да...

Хуллас, умра ва ҳажга борувчилар телефонларини ё уйда ё меҳмонхонада қолдирғанлари маъқулга ўхшади. Шунда озгина бўлса ҳам шайтондан ғолиб келган бўлармидик? Хўш, бу гапларга сиз нима дейсиз?

Эркин Малик